



JUKNIS LOMBA

GEGURITAN

HUT SMP 1 GEBOG
TAHUN 2026

JUKNIS LOMBA GEGURITAN

- a. Peserta adalah siswa SD/MI Kelas IV s.d. VI.
- b. Peserta bebas putra atau putri
- c. Peserta berpakaian batik bebas
- d. Lomba hanya terdiri dari satu babak
- e. Tidak diperbolehkan menggunakan pengeras suara maupun menggunakan alat pengiring baik yang dimainkan sendiri dan yang dimainkan orang lain
- f. Peserta hanya membaca satu geguritan dari judul yang telah disediakan oleh panitia.
- g. Aspek penilaian
 - 1) Wirama (40%)
 - 2) Wirasa (40%)
 - 3) Wiraga (20%)
- h. Keputusan juri adalah mutlak dan tidak dapat diganggu gugat.

NYUJANANI REMBULAN

Irul S. Budianto

Ora prelu nyujanani rembulan

Yen bengi iki pilih sesingidan

Embuh ana ngendi

Sapa wae ora wenang ngerti

Yen bocah-bocah ngungal panggresah

Polatane peteng awit ora bisa dolanan

Jamuran utawa gobagsodor ing plataran

Wenehana pangerten kanthi ngarah-arrah

Murih gelem nampa kanyatan

Rembulan sing pilih sesingidan

Mbokmenawa wae butuh kamardikan

Ngendhani wong sing lagi mendem tresna

Kepara seneng nyenggol-nyenggol jenenge

Utawa sing arep dadi panguwasa

Nggadhang impen ketiban wujud

Ora prelu nyujanani rembulan

Yen bengi iki pilih sesingidan

Gatekna kae, Kalarahu uga kekitrang nggoleki

NGEJA WENGI

Irul S. Budianto

Ing plataran lemek klasa bedhah
Bocah-bocah ngeja gumelare wengi
Embuh apa sing pengin dionceki

Ana kalane rembulan lan lintang-lintang
Mesem bareng gawe reseping panyawang
Ora wurunga lajere pepadhang nuwuhake ukara seje
Tumrap sapa wae sing lantip panggraitane

Wengi uga ora kurang-kurang
Nahbisake pepeteng sing mbangeti
Sinasaban sepi lan nukulake rasa wedi
Njalari angene sapa wae kekitrang
Nggoleki pangayom kang sejati

Padhang lan peteng ing gumelare wengi
Wis pinesthi bakal unkur-ungkuran
Wujud gambarane urip sing kudu diwiwiri
Tanpa tembung wedi, apa maneh trataban

Bocah-bocah sing ngeja wengi
Klebu aku lan sliramu sing mesthi